

Бекітемін
ҚР МСМ «Т.Жүргенов атындағы
Қазақ ұлттық өнер академиясы»
РММ-нің у.м.а. ректоры
Ш.А. Амирбеков
02.02.2022 ж.



Т.Жүргенов атындағы Қазақ ұлттық өнер академиясы
«Өнертану» факультеті
«ТОПЖАРҒАН» атты талапкерлерге арналған
республикалық байқаудың
ЕРЕЖЕСІ

Жалпы ережелер

- 1.1. Талапкерлерге арналған аталмыш байқаудың бас құрылтайшысы Т.Жүргенов атындағы Қазақ ұлттық өнер академиясы, «Өнертану» факультеті, «Бейнелеу өнерінің тарихы мен теориясы», «Театр өнерінің тарихы мен теориясы» және «Кино тарихы мен теориясы» кафедралары.
- 1.2. Байқау төрт бағытта «Өнертану», «Театртану», «Кинотану» және «Кинотеледраматургия» бойынша өткізіледі.
- 1.3. Өтетін уақыты: 07-08 сәуір, 2022 жыл. Қатысушылардың өтінімі 2022 жылдың 01 наурыз - 01 сәуір аралығында қабылданады.
Өтетін орны: ZOOM қосымшасы, конференция номері қосымша беріледі.
- 1.4. Байқаудың мақсаты:
 - «Өнертану» факультетіне жазушылық, сыншылық қабілеті бар дарынды жастарды тарту; кино, театр және бейнелеу өнерінің туындылары туралы насихаттауды, оларды зерттеп-зерделеп, шығармашылық-ғылыми көзқарас білдіруге құштарлық танытып жүрген және пьеса, сценарий, тележобалар жазуды армандайтын талапкерлерге өз бағын сынап көруге мүмкіндік беру;
 - **I орын алған байқау лауреаттарына Т.Жүргенов атындағы Қазақ ұлттық өнер академиясының «Өнертану», «Кинотану», «Театртану», «Кинотеледраматургия» Білім беру бағдарламаларының 2022-2023 оқу жылындағы қабылдау емтихандарына жеңілдік беріледі, яғни шығармашылық емтихан тапсырмай, тек кешенді тестілеуден өтеді.**
 - жастарды қолдау және оларға шығармашылықтарын дамытуға ықпал ету;
 - дарынды жастарды анықтап, марапаттау;
- 1.5. Байқауды өткізу үшін арнайы ұйымдастыру алқасы құрылады. Байқауды ұйымдастырушылар құрамын Т.Жүргенов атындағы Қазақ ұлттық өнер академиясы ректоры бекітеді.
- 1.6. Ұйымдастыру алқасы байқаудың қазылар алқасы мүшелерін, Төрағасы мен хатшысын бекітеді.

2. Байқауға қатысу шарттары:

- 2.1. Байқауға Қазақстан Республикасы бойынша колледж бітірушілері (түлектері) қатыса алады.
- 2.2. Байқауға қатысу үшін үміткер 1-қосымшада көрсетілген өтінім парағын толтыру керек.
- 2.3. Байқауға қатысу үшін берілген қосымшаны толтырып, қол қойып өткізген талапкер байқау талаптары және Ережесімен толықтай келіскендігін білдіреді.
- 2.4. Байқау жазбаша түрде өтеді. Ұйымдастырушылар алқасы байқау тақырыптарын алдын-ала бекітіп, байқау өтетін кезде ғана қатысушыларға жариялайды. Жұмыстар өз бетінше жазылып, бұрын жарияланбаған болуы шарт.
- 2.5. Жұмыс көлемі – 3-5 бет.
- 2.6. Байқауға қатысушы өтініммен қатар анкеталық анықтаманы толтыруы керек. (2-қосымша)
- 2.7. Байқауға қатысушылардың шығындары өз есебінен төленеді.
- 2.8. Ұйымдастыру алқасы Байқауға қатысушыларды ешқандай сақтандыру түрлерімен қамтамасыз етпейді.
- 2.9. Байқауға қатысушыларға ешқандай қаламақы (гонарар) қарастырылмаған.
- 2.10. Байқаудың өту барысын видеоға немесе фотоға түсіру үшін ұйымдастыру алқасының арнайы рұқсаты болуы қажет.

3. Байқауды өткізілу барысы:

- 3.1. Байқау бір турдан тұрады.
- 3.2. Қатысушыға жазбаша жұмыс жазу үшін 4 сағат уақыт беріледі.
- 3.3. Жұмыстарды бағалау үшін қазылар алқасы әр жұмысты 10 балл жүйесімен бағалайды.

3.4. Жазбаша жұмыстарды бағалау тәртібі:

- Таңдалған тақырыптың ашылу деңгейі;
- Айтар ойды қағаз бетіне түсіре алу деңгейі;
- Өзіндік көзқарасының болуы;
- Авторлық ұстанымының болуы;
- Мазмұндаудағы қисындылық пен сабақтастықтың сақталу деңгейі;
- Өзіндік қолтаңбасы, стилінің болуы;
- Сауаттылық деңгейі;
- Айтылар идеяның тың болуы;
- Жұмыстың әдеби-ғылыми көркемдік деңгейі;
- Тақырыпқа ғылыми тұрғыда келуі;

3.5. Байқауға қатыстырылмайтын жұмыстар:

- байқау талаптарына сай келмейтін жазба жұмыстары;
- плагиат анықталған жұмыстар;

- грамматикалық қателері бар жұмыстар;
 - саяси, діни және т.б. бағытты насихаттау мағынасындағы жұмыстар;
- 3.6. Қазылар алқасының берген балл санын қосу арқылы шешім шығарылады. Байқау нәтижесі арнайы хаттамамен бекітіледі.
- 3.7. Байқау нәтижесі 3 жұмыс күнінде белгілі болып, қатысушыларға хабарланады және академия сайтына жарияланады.

4. Қазылар алқасының жұмысы және жеңімпаздарды марапаттау:

- 4.1. Байқау нәтижелерін Т.Жүргенов атындағы Қазақ ұлттық өнер академиясы «Өнертану» факультетінің профессорлық-оқытушылық құрамынан құрылған қазылар алқасы бағалайды.
- 4.2. Қазылар алқасы келесі аталымдар бойынша марапаттайды:
- I, II және III деңгейлі лауреаттық дипломы;
 - қатысушыларға дипломант атағы;